



JABATAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya

Tel: 03-8000 8000 Faks: 03-8889 7957

Laman web: www.jwp.gov.my

KENYATAAN MEDIA

SUMBANGAN BANTUAN KHAS BAGI MASALAH HAKISAN PANTAI DI SEKITAR TAPAK LESTARI NIAGA KAMPUNG TANJUNG ARU NELAYAN

LABUAN, 18 FEBRUARI 2024 – YB Dr. Zaliha binti Mustafa, Menteri di Jabatan Perdana Menteri (Wilayah Persekutuan) hari ini turun padang ke Tapak Niaga Kg. Tanjung Aru Nelayan menyampaikan Peruntukan Khas Wilayah Persekutuan berjumlah RM200 ribu kepada Perbadanan Labuan.

Sumbangan bantuan tersebut adalah bagi kerja-kerja membina benteng hakisan pantai di sekitar Tapak Niaga di Kampung Tanjung Aru Nelayan. Isu hakisan pantai di Tanjung Aru Nelayan ini telah dikesan melalui kajian NCES (National Coastal Erosion Study) yang dilaksanakan oleh Jabatan Pengairan dan Saliran Malaysia pada tahun 2015. Keadaan ini telah menyebabkan hakisan sepanjang 1 km kawasan pesisir pantai dan turut meruntuhkan tanah penduduk kampung yang berdekatan dengan kawasan pantai.

Penduduk kampung juga pernah bergotong royong sebelum ini untuk membina banteng menggunakan sisa-sisa batu simen bagi mengurangkan kesan fenomena hakisan ombak di pantai ini. Walau bagaimanapun banteng yang dibina tersebut telah rosak semula akibat dibadai ombak yang kuat.

Diharapkan pemberian sumbangan ini dapat membantu mengekang hakisan pantai yang berterusan terjadi di kawasan pantai berdekatan tapak niaga. Ini secara tidak langsung memberikan kelegaan kepada para peniaga dan orang ramai.

**Disediakan oleh:
Bahagian Komunikasi Korporat
Jabatan Wilayah Persekutuan
18 Februari 2024**